

**CENTRALNA BANKA
BOSNE I HERCEGOVINE**
Broj: 150-15-4-576-10 /20 MM
Sarajevo, 25.05. 2020. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

O D L U K U
o poništenju postupka javne nabavke radova – zamjene podnih podloga

Član 1.

(1) Ovom odlukom se poništava postupak javne nabavke radova – zamjene podnih podloga za potrebe Centralne banke Bosne i Hercegovine, putem otvorenog postupka, procijenjene vrijednosti nabavke u iznosu od 11.000,00 KM (slovima: jedanaest hiljada i 00/100 konvertibilnih maraka).

(2) Postupak se poništava jer su ponuđači koji su učestvovali u ovom postupku nabavke propustili u roku od 5 dana od dana prijema obavještenja o rezultatima postupka nabavke da dostave originale ili ovjerene kopije dokumenata iz člana 45. Zakona o javnim nabavkama.

Član 2.

Stavlja se van snage Odluka o izboru drugorangiranog ponuđača u postupku javne nabavke radova – zamjene podnih podloga, broj: 150-15-4-576-8/20 MM od 25.05.2020. godine.

Član 3.

Centralna banka će o rezultatima provedenog postupka javne nabavke obavijestiti ponuđača.

Član 4.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 5.

Ova Odluka će se objaviti na web stranici Centralne banke www.cbbh.ba istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

mm

ju

O b r a z l o ž e n j e

Postupak javne nabavke radova – zamjene podnih podloga, za potrebe Centralne banke Bosne i Hercegovine, otvorenim postupkom, pokrenut je Odlukom, broj: 150-15-4-576-2/20 SAK od 05.02.2020. godine.

U skladu s tim, Centralna banka je 28.02.2020. godine na portalu Javnih nabavki objavila Obavještenje o nabavci broj: 1370-1-3-126-3-113/20.

U predviđenom roku za dostavljanje ponuda, do 16.03.2020. godine do 10:00, blagovremeno su dostavljene dvije ponude i to:

- GS IZGRADNJA d.o.o. Banja Luka
- KUĆA STIL szgr s.p. Rogatica.

Komisija za provođenje postupka javne nabavke (u daljem tekstu: Komisija) je izvršila pregled i ocjenu ponuda i zaključila da obje pristigle ponude zadovoljavaju sve uslove tražene tenderskom dokumentacijom. Sa navedena dva ponuđača je zakazana e-aukcija za dan 20.04.2020. godine. Po završetku e-aukcije prvorangirana ponuda je bila ponuda ponuđača KUĆA STIL szgr s.p. Rogatica, a što je navedeno u Zapisniku o pregledu i ocjeni ponuda broj: 149-15-4-903-6/20 i Izvještaju o radu sa preporukom broj, 149-15-4-9039-7/20, oba od 27.04.2020.godine.

U skladu sa navedenim Centralna banka je donijela Odluku o izboru najpovoljnijeg ponuđača u postupku javne nabavke radova – zamjene podnih podloga, broj: 150-15-4-576-5/20 MM od 29.04.2020. godine, kojom je ugovor dodijeljen ponuđaču KUĆA STIL szgr s.p. Rogatica. Navedena Odluka je zajedno uz Obavještenje o rezultatima postupka javne nabavke, broj: 150-15-4-576-6/20 MM od 29.04.2020. godine dostavljena svim ponuđačima koju su učestvovali u postupku nabavke.

U skladu sa tačkom 1.2. tenderske dokumentacije i Obavještenjem o rezultatima postupka javne nabavke, obaveza izabranog ponuđača je bila da roku od 5 dana od dana zaprimanja obavještenja dostavi dokaze o ispunjavanju uslova iz člana 45. Zakona o javnim nabavkama. Izabrani ponuđač je navedeno Obavještenje zaprimio dana 05.05.2020. godine, te je u roku od 5 dana bio obavezan dostaviti tražene dokaze.

Komisija je dana 20.05.2020. godine održala sastanak na kojem se konstatovala da je ponuđač KUĆA STIL szgr s.p. Rogatica propustio u roku da dostavi originale ili ovjerene kopije dokumenata iz člana 45. Zakona o javnim nabavkama, a što je navedeno i u Zapisniku sa sastanka Komisije održanog dana 20.05.2020. godine, broj: 149-15-4-903-8/20. U navedenom zapisniku Komisija je dala preporuku da se ugovor dodjeli ponuđaču čija je ponuda po rang – listi odmah nakon ponude ponuđača KUĆA STIL szgr s.p. Rogatica, odnosno da se ugovor dodijeli ponuđaču GS Izgradnja d.o.o. Banja Luka.

Postupajući po navedenoj preporuci Komisije i primjenjujući član 72. stav (3) tačka a) Zakona o javnim nabavkama, donešena je Odluka o izboru drugorangiranog ponuđača broj: 150-15-4-576-8/22 MM od 25.05.2020. godine, kojom je ugovor dodijeljen ponuđaču GS Izgradnja d.o.o. Banja Luka.

U skladu sa naprijed navedenom tačkom tenderske dokumentacije i Obavještenjem o rezultatima postupka javne nabavke, broj: 150-15-4-9720 MM od 25.05.2020. godine, obaveza izabranog drugorangiranog ponuđača je bila da roku od 5 dana od dana zaprimanja obavještenja dostavi dokaze o ispunjavanju uslova iz člana 45. Zakona o javnim nabavkama. Izabrani drugorangirani ponuđač je navedeno Obavještenje zaprimio dana 27.05.2020. godine, te je u roku od 5 dana bio obavezan dostaviti tražene dokaze.

Komisija je dana 17.06.2020. godine održala sastanak na kojem se konstatovala da je ponuđač GS Izgradnja d.o.o. Banja Luka propustio u roku da dostavi originale ili ovjerene kopije dokumenata iz člana 45. Zakona o javnim nabavkama, a što je navedeno i u Zapisniku sa sastanka Komisije održanog dana 17.06.2020. godine, broj: 149-15-4-903-9/20.

Imajući u vidu da ponuđači koji su učestvovali u ovom postupku nabavke propustili u roku od pet dana od dana zaprimanja obavještenja o rezultatima postupka nabavke, da dostavi originale ili ovjerene kopije dokumenata iz člana 45. Zakona o javnim nabavkama, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

GUVERNER
dr. Senad Softić



Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenju za zajedničke poslove;
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)

AM

AM